



Inatsisartuni ilaasortaq Múte Bourup Egede, inuit Ataqtigiit  
/Maani

## **Aasianni pisortat inissiaataat pillugit § 37 naapertorlugu apeqqutininut akissuteqaat**

25-03-2019  
Suliaq normu.: 2019 - 6823  
Id normu. 39288297

Asasara Múte Bourup Egede

Inatsisartut suleriaasianni § 37 naapertorlugu Naalakkersuisunut apeqquteqaateqarputit. Apeqqutitit uannit akineqartussanngorlugit innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

Aallarniutigalugu oqaatigissavara, akissuteqaat manna taamaallaat pisortat inissiaataannut Namminersorlutik Oqartussanit pigineqartunut tunngasuummat.

### **Apeqqut 1: Aasianni pisortat inissiaataat Svendborg-ip aqputaaniittut inoqanngitsut qassiuppat?**

Akissut: Aasianni inissiarsuit sisamat inuerutitinneqarput. Pineqartut tassaapput Svendborgip Aqputaaniittut B-31, B-162, B-163 aamma B-164, taakkua 7-inik, 5-inik, 4-nik aamma 2-nik inissiaartaqarput.

### **Apeqqut 2: Aasianni pisortat inissiaataat inigineqaratik ingutserneqartussatut nalunaarsorneqarsimasut katillutik qassiuppat?**

Akissut: Illunik isateriaannarnik isaterinissamut pilersaarutit ukiumoortumik Aningaasanut Inatsimmi allassimasarput. Suliassanut taakkununga pilersaarutit ineqarnermi sanaartugassanut aningaasaliissutinut sinaakkusiussat tunngavigalugit naliliiffigineqartarput – konto pingaarneq 89.72.12 Inissialiassat taartissanillu inissialiortitsineq.

Immikkoortumut pilersaarutit allanik aamma suliaqartoqarsimavoq, taakkunanilu illut saqqummiunneqarnerini qanoq issutsimik naliliinerit atasinnaassusissaannullu naliliinerit allassimapput. Immikkoortumut pilersaarutit quppernermi uani nassaarineqarsinnaapput: <https://naalakkersuisut.gl/da/Naalakkersuisut/Departementer/Boliger-og-Infrastruktur/Boliger-og-vejendomsafdelingen/Sektorplaner>

### **Apeqqut 3: Naalakkersuisut Aasianni pisortat inissiaataat nutaanngilisimasut igutserneqartussatullu nalilerneqarsimasut ingutsernissaannut qanoq pilersaaruteqarpat?**

Akissut: Apeqqut 1-imut aamma 2-mut akissutit takukkit.

### **Apeqqut 4: Aasianni inissaaleqineq akiorniarlugu Naalakkersuisut qanoq pilersaaruteqarpat?**

Akissut: Naalackersuisut immikkoortumut pilersaarutini inassuteqaatit iluarsineqarnissaannut pisariaqartitsinermik ingerlaavartumik naliliisarput, taakkunungalugu pingaartumik inissianik pisariaqartitsinerup annertusisinnaanerannut naammassinninniarluni isaterinissamut taarsiullugu iluarsaassinissamut periarfissat ilaatinneqarput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen